

# محلہ هندکو ادب

انگریزی

گندھارا ہندکو اکیڈمی پشاور

4A روڈ، یونیورسٹی ٹاؤن پشاور



# ضابطہ

## اداریہ

معزز قارئین کرام!

رمضان المبارک دی مناسبت نال ہند کو ادب دے خصوصی شارہ یعنی نعت نمبر دا اجراء توڑے ملاحظو سے پیش اے جس اچ وطن عزیز پاکستان دے مختلف شہر اس تے علاقوں نال تعلق رکھنے والے ہند کو وان شعراء و ادباء دی حضور صلی اللہ علیہ وسلم دے نال والہانہ عقیدت اس نوں اکھا کر کے توڑے ہتھاں تک پہنچایا گیا وے تے ایہہ کوئی پہلی دفعہ دی گمل عنکی بلکہ گندھارا ہند کو بورڈ پشاور دا شروع ایہہ دی طبیرہ بیاد کے کہ اس دے پیٹھ فارمی میش حضور صلی اللہ علیہ وسلم دے عشق نوں دل اس اچ آج کرنے وے مختلف نوعیت دی کامیاب سرگرمیاں تے تقریبات دا اہتمام و تفویق کیتا جا چکا وے یعنی وطن عزیز دے مختلف شہر اس دے ہند کو وان طباء و طالبات دے درمیان درجنات نعیتیہ مقابله کرائے جا چکے ان، حضور دی سنت تے عمل کرنے دے جذبہ نوں پروان چڑھا نزے وے ہند کو وان طباء و طالبات دے درمیان تقریری تے تحریری مقابله آس دابی اہتمام کیتا جا چکا وے، درجنات نعیتیہ ہند کو تے کیش المسانی مشاعرہ برپا کیتے جا چکے ان، حضور دی سیرت تے کئی کتاب شائع کیتیاں جا چکیاں ون جس اچ کئی کتابوں پاکستان دے مختلف اداریاں دی طرف سی قومی و صدر اتی ایوارڈاں تی بی نوازا جا چکا وے جد کہ مختصر ایہہ کہ زیر نظر خصوصی نعت نبردی طرز تے اس سی پبلی "چے رنگ" دے عنوان نال بی ٹک کتاب شائع کیتی جا چکی اے تے اس اچ منتخب ہند کو وان شعراء دے نعیتیہ کلام انوں اکھا کر کے شائع کیتا گیا وے۔ ناظرین! زیر نظر شارہ دی خاص گمل ایہہ وے کہ اس اچ ہند کوز بان دے علاوہ بی ایہہ کوشش کیتی گئی اے کہ جیہڑی جیہڑی ہند آریائی زبان اچ مشاہیر نے منظوم لفظاں دی صورت اچ حضور نال آپڑی عقیدت و محبت دا ظہار کیتا وے اس نوں اس اچ شامل کیتا جاوے اسی وے تے ملاحظہ کر سو کہ اس رسالہ اچ ہند کوز بان دے علاوہ سرائیکی، پیاری، پٹھواری، چھا چھی تے دیگر مختلف ہند آریائی زبانوں دے وچ کھے گئے نعیتیہ کلام موجود ان کیونکہ گندھارا ہند کو بورڈ نوں ایہہ اعزاز بی حاصل اے کہ اس بورڈ دے دے تحت ہند کوز بان وادب دے نال نال پاکستان دی ساری زباناں وے پیا کم ہوندے، دوسرا وضاحت ایہہ ضروری اے کہ اس شارہ دے وچ شعراء دی ترتیب حروف جنی دی ترتیب دے مطابق انسان دے نام انوں سامنے رکھ کیتی گئی اے، تیسری گمل ایہہ وے کہ زیر نظر شارہ دے مظفر عالم تے آخونے تی بعد بی اگر ساڑے کوں مرید نعیتیہ کلام پہنچ دے ون تے اتنا مودا جج ہو جاندے کہ اس سی بی رسالہ بڑے تاوت اس خصوصی نعت نمبر دا دوسرا ایڈیشن پاکستان دی تیار کیتا جاسی، امیداے قارئین ساڑی اس کا وش نوں ضرور پسند فرمائیں۔

سرپرست	اجاز احمد قریشی
مدیر اعلیٰ	محمد ضیاء الدین
مدیر	علی اویس خیال
پروف ریڈنگ	علی اویس خیال
مُل	100 روپے
شمارہ	جنوری - جون 2024ء
پرمنٹر	بی ایچ اے لیزر پرمنٹ پشاور
پبلیشر	گندھارا ہند کو اکیڈمی، پشاور
<b>مجلس مشاورت:-</b>	
احمدادیم اعوان	(پشاور)
رفیق کامران	(پشاور - مانسہرہ)
سعید پارس	(پشاور)
سکندر حیات سکندر	(پشاور)
وسیم شاہد	(پشاور)
حسام حرب	(اسلام آباد)
قدسیہ قدسی	(ملا میشیا)
اخت نعیم	(مانسہرہ)
شکلیل اعوان	(ایبٹ آباد)
رفیق ساگر	(ڈی آئی خان)
سید معصوم شاہ	(کوہاٹ)
قصور بخاری	(اٹک)
نعمان قیوم	(پشاور)
بلال احمد	(پشاور)

## گندھارا ہند کو اکیڈمی، پشاور

4A روڈ، آبدراہ یونیورسٹی ناؤن پشاور

ایمیل: ghb@pakistan@gmail.com، رابطہ: www.gandharahindko.com، ویب سائٹ: 091-7256262

## رسالے دی ونڈ ویتر

صفحہ	شاعر	عنوان	شمار	صفحہ	شاعر	عنوان	شمار
15	روشن القادری	نعتیہ کلام	۲۵	04	احمد علی سائین	حمد یہ کلام	۱
16	زید آئی اطہر	نعتیہ کلام	۲۶	04	احمد علی سائین	نعتیہ کلام	۲
16	ساجد سرحدی	نعتیہ کلام	۲۷	05	احمد علی وحشی	نعتیہ کلام	۳
16	ساحر مصطفائی	نعتیہ کلام	۲۸	05	احمد ندیم اعوان	نعتیہ کلام	۴
17	سجاد بابر	نعتیہ کلام	۲۹	06	اختر نعیم	نعتیہ کلام	۵
17	سعید پارس	نعتیہ کلام	۳۰	06	اسما عیں اعوان	نعتیہ کلام	۶
18	سعید گیلانی	نعتیہ کلام	۳۱	07	البی بخش اختر اعوان	نعتیہ کلام	۷
18	سکندر حیات سکندر	نعتیہ کلام	۳۲	07	آغم محمد جوشن	نعتیہ کلام	۸
19	شکلیل اعوان	نعتیہ کلام	۳۳	08	بشری فرخ	نعتیہ کلام	۹
19	شیر شاہ سیفی	نعتیہ کلام	۳۴	08	پرواز تربیلوی	نعتیہ کلام	۱۰
20	شین شوکت	نعتیہ کلام	۳۵	09	تاج سعید	نعتیہ کلام	۱۱
20	صبح احمد	نعتیہ کلام	۳۶	09	تاج محمد تاج	نعتیہ کلام	۱۲
21	ظفر نوید جانی	نعتیہ کلام	۳۷	09	تصویر حسین بخاری	نعتیہ کلام	۱۳
21	عبدالحکیم اثر	نعتیہ کلام	۳۸	10	ثریا حسام حر	نعتیہ کلام	۱۴
21	عبدالرشید تاج	نعتیہ کلام	۳۹	10	جلیل احمد کمال	نعتیہ کلام	۱۵
22	عبد الطیف ساجن	نعتیہ کلام	۴۰	11	جلیل حشمتی	نعتیہ کلام	۱۶
22	عبد الغفور ملک	نعتیہ کلام	۴۱	11	حسام حر	نعتیہ کلام	۱۷
22	عبد اللہ	نعتیہ کلام	۴۲	12	حیدر زمان حیدر	نعتیہ کلام	۱۸
23	عبد اللہ یزدانی	نعتیہ کلام	۴۳	12	خادم ابراہیم	نعتیہ کلام	۱۹
23	علی اویس خیال	نعتیہ کلام	۴۴	13	خاطر غزنوی	نعتیہ کلام	۲۰
24	غلام رسول گھائل	نعتیہ کلام	۴۵	13	خواجہ یعقوب اختر	نعتیہ کلام	۲۱
24	فارغ بخاری	نعتیہ کلام	۴۶	14	رانی بانو	نعتیہ کلام	۲۲
24	فاروق جان بابر آزاد	نعتیہ کلام	۴۷	14	رضا ہمدانی	نعتیہ کلام	۲۳
25	فرید عرش	نعتیہ کلام	۴۸	15	رفیق ساگر	نعتیہ کلام	۲۴

## رسالے دی ونڈ ویتر



شمار	عنوان	شاعر	صفحہ
۲۹	نعتیہ کلام	فقیر حسین ساحر	۲۶
۵۰	نعتیہ کلام	قدسیہ قدسی	۲۶
۵۱	نعتیہ کلام	کاظم کاظمی	۲۷
۵۲	نعتیہ کلام	کریم اللہ قریشی	۲۸
۵۳	نعتیہ کلام	لعل شاہ جگر	۲۸
۵۴	نعتیہ کلام	محسن احسان	۲۹
۵۵	نعتیہ کلام	محمد جان عاطف	۲۹
۵۶	نعتیہ کلام	محمد ضیاء الدین	۳۰
۵۷	نعتیہ کلام	مضمر تاتاری	۳۰
۵۸	نعتیہ کلام	معصوم شاہ	۳۰
۵۹	نعتیہ کلام	منشی رجب علی جوہر	۳۱
۶۰	نعتیہ کلام	منیر حیدر	۳۱
۶۱	نعتیہ کلام	میر احمد مٹھو	۳۱
۶۲	نعتیہ کلام	ناز درانی	۳۲
۶۳	نعتیہ کلام	ناصر بختیار	۳۲
۶۴	نعتیہ کلام	ناصر داؤد	۳۲
۶۵	نعتیہ کلام	ناصر علی سید	۳۳
۶۶	نعتیہ کلام	نبی بخش گوہر	۳۳
۶۷	نعتیہ کلام	نذر یوسفی	۳۴
۶۸	نعتیہ کلام	نسیم سحر	۳۵
۶۹	نعتیہ کلام	نواز صابر	۳۵
۷۰	نعتیہ کلام	ولایت اظہر	۳۵
۷۱	نعتیہ کلام	یحییٰ خالد	۳۶

## حمدیہ کلام

احمد علی سائیں

الف۔ اول ہے عالم ہست سی اوہ ہاتھ آپ پکاریا بسم اللہ  
پھر قلم نوں حکم نوشت ہویا ہس کے قلم سر ماریا بسم اللہ  
نقشہ لوح محفوظ دے وچ سینے قلم صاف اُتاریا بسم اللہ  
اس تحریر نوں پڑھ کے فرشتیاں نے سائیاں شکر گزاریا بسم اللہ

## نعتیہ کلام

احمد علی سائیں

(پشاور)

الف۔ ایسا یہھ شاہِ شاہان میرا  
جس دی آمد وچ دونوں جہان گھل گئے

مزدہ خوشی دا سبز کے خدام خلدی  
در خلد تے مع رضوان گھل گئے

پیش ہو گئے دست آداب بخ کے  
اوھر حواراں تے ادھر غلامان گھل گئے

سائیاں اُس شاہ دے استقبال خاطر  
صفاں بخ مُرسل عالیشان گھل گئے

## نعتیہ کلام

احمد علی سائیں

(پشاور)

الف۔ آستان در فردوس تیرا  
منوں بہتر ہے جنت نظر بدے

پاؤں اکھیاں اچ گھل البصر کر کے  
تیرے قدماء دی خاک اسیر بدے

تیرے رخ انوار تو وار دیواں  
سو سو جلوے گر ماہ منیر بدے

سائیاں بدلاں نہ بیڑب دے فرش اُتو  
نلک عرش گر دیوے جاگیر بدے

آمنہ بی بی دی گودی مبارک دے وچ  
چن اُترا جد رب دے نور والا

تاب حسن دی کوئی نہ لیا سکا  
حسن ویکھ کے ہوئے قربان سارے

ہوئی حاضر بُراق معراج وسطے  
کیقا قصد شاہِ لواک نے جد

چپک گئے تعظیم اچ شجر سارے  
چن تارے زمین اسماں سارے

ملا امر نعلیباں دے نال آ کے  
رکھ عرش تے قدم محبوب میرے

رہ گئے دنگ فرشتے نوری، تے  
بہشت دے حور و غمان سارے

وسطے امت دی بخشش دے رب اگے  
کیقی عرض خیرالورا نے جد

ماک عرشِ عظیم دے رب نے  
سُنزوں فخر دے نال بیان سارے

بُوہاشم دے چن دے نور ٹوں  
سمہ سکا نہ چن اسماں والا

### نعتیہ کلام

احمد علی حقی

(پشاور)

ص۔ صورت ہے مشش افعیٰ تیری  
کالی زلف واپیل نوں رام چپک کے

سُنبل خلد برین تے فردوس والے  
نال ادب دے کر کر سلام چپک کے

اسم پاک ہے شاہِ انیاء تیرا  
چودہ طبق سُنزو کے تیرا نام چپک کے

واگ وحقی جبریل امین جیسے  
تیرے قدمان تے خیر الانام چپک کے

### نعتیہ کلام

احمد ندیم اعوان

(پشاور)

تیرے جیا نہ آیا کوئی جہان اتے  
چھاؤ لوے زمانہ زمان سارے

تیری شان بیان میں کیہ کراں  
تیری شان تو صدقہ جہاں سارے

## نعتیہ کلام

اسما علیل اعوان

(پشاور)

جان تیرے تو فدا  
آپڑے روٹے تے بگا  
ودھ گئی بے صبری  
یار رسول ہاشمی

تیرے پر چم دے تلے  
شہاد جگہ سانوں ملے  
روزِ محشر دی کھڑی  
یار رسول ہاشمی

شافع روز جزا  
بخشوا ساڑی خطا  
واسطے اہن علی  
یار رسول ہاشمی

اے شہہ عرب و عجم  
لکے جد عاصی دا دم  
دیکھاں صورت میں تیری  
یار رسول ہاشمی

کجھ نہیں باغِ ارم  
تیرے روٹے دی قشم  
دل مدینے دی گلی  
یار رسول ہاشمی

دو ٹکڑے جن نوں ہوندیاں  
مشرک و کیجہ کے ہوئے حیران سارے

## نعتیہ کلام

آخر نیم

(ناہرہ)

جل جلال مدینے کو، جل جلال مدینے کو  
روٹے کو دنخ آواں، جل جلال مدینے کو

روٹے تے جل کے میں ہک ایہی دعا کرساں  
تری امت بخشی جلے، جل جلال مدینے کو

اٹھیاں میں سویلے تے، ہر پاسے ایہہ وازاں  
چڑیاں دا شور آسا، جل جلال مدینے کو

ارمان ہک ہور بی اے میں پیدل جلدا جلال  
ہر پاسیو واز آوے جل جلال مدینے کو

غم کر نہ اختر، ارمان نہ رہ سی ترا  
فیر کدی نہ آخسیں تو، جل جلال مدینے کو

گھلائ سوہنڑیاں سوہنڑیاں کرنا وال  
برے ہوندا نہیں کردار سوہنڑاں

دُنیا ویچ کے دین خرید لوواں  
اس سی کوئی نہیں بیوپار سوہنڑاں

کملی والے اتے واری جاواں  
کوئی ہور عنینگا چدے ہار سوہنڑاں

رب کے مدینے بلا لووے  
ہو وے اختر نوں وٹ اوہ دیدار سوہنڑاں

مالک کون و مکان  
اے شاہِ دونوں جہاں  
لاج رکھ لے یانبی  
یار رسول ہاشمی

سُردو غریباں دی دعا  
واسطے اہل صفا  
ڈور کر ڈکھ دی کھڑی  
یار رسول ہاشمی

پھر سی مسلم نوں دیکھا  
اے نبی نورِ خدا  
کر دے ساذی رہبری  
یار رسول ہاشمی

### نعتیہ کلام

آغا محمد جوہن

(پشاور)

د دنیا تے چھا جا طوفان بڑ کے  
ایہہ حکم بس اللہ رسول دا اے

دیکھ مسجد وچ فوجی نظام آپڑا  
تخت شاہی مصلی رسول دا اے

تاج خرسوی قدماء وچکار اُس دے  
جس دے ہنھ وچ پلا رسول دا اے

### نعتیہ کلام

الہی بخش آخراعوان

(پشاور)

ازا غصہ اچھا ازا پیار سوہنڑاں  
ہر رنگ میرا ولدار سوہنڑاں

کرم نوں آپ دے بشری کدی نہ ناپ سکے  
ہزار سال اگر عرض و طول ہو جاوے

### **نعتیہ کلام**

پرواز تربیلوی

(پشاور)

سرکار مدینے والے نوں سوہنڑاں نام محمد سجداء اے  
میرے سوہنڑیں محمد عربی دا دوجگ وچ ڈنکا و جدا اے

میرے بگڑے حال تے ہک داری کرام دیاں نظراء پا آتا  
طوفان میری ناکامیاں دا میرے چارچو فیرے گجا اے

ہرسال بُلا کے روشنے تے میرے دل دی حسرت کرپوری  
تیرا گنبد خضرا تک کے ساری عمراء دل نہیں رجدا اے

ربا بخشش میری فرما دے صدقہ سرکار دی کملی دا  
میرے کول نہ کوئی نیکی اے نہ ہی عمل کوئی کے چج دا اے

پرواز! تیری خوش بختی اے سدیا سرکار نے قدماء تے  
رحمت دا پلا پا کے جبھڑا ہر ہک دے گناہوں نوں کجدا اے

دل دی اکھیاں نال وکیھ دیوانیاں نوں  
واللہ جوش بھی چھلا رسول دا اے

### **نعتیہ کلام**

بشری فرنخ

(پشاور)

جد حاضری تیرے در دی قبول ہو جاوے  
تا لمح لمح دی قیمت وصول ہو جاوے

خدا سی منگاں جدو آپ دے ویلے مل  
ہر ہک دعا میری فوراً قبول ہو جاوے

نہ کوئی خوب قیامت رہوے ازے دل ویچ  
کہ جس دا بجا تے ماوی رسول ہو جاوے

درود پاک دی تسبیح کھلاوے مھل دل دا  
ذرما جبیا بی اگر ایہہ ملوں ہو جاوے

کدی کنیر تے آتا دی ہک نظر ہووے  
تا رحمتاں دا میرے کہر نزول ہو جاوے

قلم نوں مدح سرائی دا فن عطا ہووے  
زبان وقف ثنائے رسول ہو جاوے

## نعتیہ کلام

تاج محمد نانج

(پشاور)

صغناں کر ساڑے حضور دیاں کے  
پھل پُرانے گلاں دی لالیاں بی  
وہن انہاں دا خاص قرآن ایا  
وایل اوہ زلفاں کالیاں بی  
کتنا صبر اُس شاہ زمان دا سی  
دیندے دعاواں سبز کے گالیاں بی  
کہیدا تاج کہ روضہ رسول آتے  
گلیاں ہویاں سونے دی جالیاں بی

## نعتیہ کلام

تصور حسین بخاری

(امک)

میں صدھے میں قربان کالی کملی والٹیا  
گل نیاں دے سلطان کالی کملی والٹیا

کیوں دسائیں میں شان آپ دی دنیا والیاں نوں  
تیرا ذکر کرے رحمان کالی کملی والٹیا

## نعتیہ کلام

تاج سعید

(پشاور)

دل میرا وے پاک نبی دی سوچاں دی تفسیر  
جس تے ہر دم لشکاں مارے مولاً دی تو قیر

چاروں پاسے میرے وے رحمت دی پھلکاری  
میرے شہرتے اس دے رحم دی کھل رگئی تنویر

جس نے مولاً سواڑے درتے جد بی جا کے منگا  
ملياں مراداں دل دیاں اُنوں، بدل گئی تقدیر

میریاں دکھیاں اکھیاں روون ہجر فراق دے وج  
کد او وکیل سن مولاً پاک مدینے دی تصویر

انہاں دی رحمت دا بدل جد بی وسے، جھیڑے پاسے  
دل دے بوہے کھل جاندے نے، بُٹ دی اے زنجیر

سواڑے ناں دی تسمی رو لے تاج سعید دن راتی  
اکھیاں پڑھنے لگ دیاں ون خوشبو دی تحریر

.....

میں گنگار تیرے در دی غلام آں  
روز محشرما غنوار تو مولا

حک تیرا ناں ہی سنوارے مری گڑی  
کم سنواریں مرے ہر وار تو مولا

تیری رحمت دی ہیشہ میں سوائی  
کملی والا مرا دلدا ر تو مولا

سوج دی رہندی اے ہر ویلے ثریا  
کد کراسین انو دیدار تو مولا

آل نبی، اولادِ علیؑ دے قصیدے میرا ورڈ  
میں فارسیؑ میں حسان کالی کملی والڑیا

اکھیاں وچ ندامت برتے پنڈ گناہواں دی  
اج رکھ لوو سہاڑا مان کالی کملی والڑیا

ست آسانوں اگے سوہنے رب تک تیری رسائی  
تیری سب سی اچی شان کالی کملی والڑیا

تصور نبیؑ مرسل تے لکھاں کروڑاں درود وسلام  
ٹوں میرا دین ایمان کالی کملی والڑیا

## نعتیہ کلام

جلیل احمد کمال

(پشاور)

مدینے دیاں گلیاں تے بازار ویکھاں  
نبیؑ پیارے دا سوڑاں دربار ویکھاں

جتنے رات دن رجھتاں وس دیاں ون  
او روپھ تے روپھ دے بیمار ویکھاں

نبیؑ دے بوہے دا سوائی بزرگ تے  
میں روپھ دی جالی دی لشکار ویکھاں

## نعتیہ کلام

ثريا حسام حرب

(پشاور)

کل جہاناں دا ایں سردار تو مولا  
میرا آقا مری سرکار تو مولا

آسے پاسے نیں انھیرے ہی انھیرے  
چانڈنے دا حکی بینار تو مولا

میری قست کدی آہواں کدی اقہرو  
کچھ نئیں غم کہ مدگار تو مولا

سوادا اخلاق مثالی اے زمانہ من دے  
آپ دا آچا وے کردار مدینے والے

دستاں والے بی پیکر او شی رحمت دے  
سوادے دشمنوں بی طلبگار مدینے والے

خبر بدنواں دی منگدے رئے ہتھ چک چک کے  
جیت دے رئے او ہر وار مدینے والے

.....

### نعتیہ کلام

حسام ح

(اسلام آباد)

میں آپڑے آپ نوں پہل کے جدو یک داستان لکھناں  
کتاب دل دا ہر ورخہ سوادے پاک ناں لکھناں

میں لکھناں نور تے خوشبو دا ہر سوہنڑاں حوالہ جد  
مدینے پاک دی یک گلی نوں گستاخان لکھناں

سوادا ناں لباں تے جد بی آوے تا میں خوش ہوواں  
میں کھرو کھرو ہسدا جاناں تے زمیں نوں آسمان لکھناں

سوادی یاد رحمت اے، خدا دی پاک نعت اے  
جدو انعام ہووے تا میں سب نعتاں روائی لکھناں

نصیباں اچ لکھ دے ربا جی مدینہ  
بڑی آس اے جنت دا گلزار ویکھاں

کراں جا کے غایر حرا دی زیارت  
نبی جی دے قدماں دے آثار ویکھاں

زمانہ جتھے جا کے اکھیاں و چھاوے  
او چوکاٹھ تے سوئی سرکار ویکھاں

نگاہوں چکاں تے کمال فضا وچ  
نبی کملی والے دے انوار ویکھاں

### نعتیہ کلام

جلیل حشمتی

(پشاور)

نعت کہنا وال میں سرکار مدینے والے  
شی رحمت میں گنہگار مدینے والے

سوادا پیغام محبت اے ہر اک دے والے  
سوادی تعلیم اے بس پیار مدینے والے

سوادا ثانی نہ ملا وے تے نہ مل سی کدرے  
کوئی بی نعیں سوادے ہار مدینے والے

ویل چاہندا اے میں اکھ کھولائ، سرکار دادر ہو وے  
پھلاں نال مہنے دے گزار ٹوں میں صدقے

جگ شیدا سخناں دا حیردی وی چاہت اے  
کالمی کملی والی دی گفتار ٹوں میں صدقے

تیرے در دی غلامی تا نصیباں نال ملدی اے  
اسی واسطے میں آپڑے آپ نوں شاہ جہاں لکھناں

### نعتیہ کلام

حیدر زمان حیدر

(ایپٹ آباد)

### نعتیہ کلام

خادم ابراہیم

(پشاور)

سرمه میریاں اکھیاں دا خاک مدینہ وے  
سوہنڑاں شہر دُنیا اُتے پاک مدینہ وے

جالی ترے روپے دی چم چم کے مر جاواں  
حضرت میرے ویل دی ایہہ قصہ پارینہ وے

انگلی دے اشارے نال چن نوں ٹوٹے کیتا  
تیرا وے مجزہ ایہہ تیرا ہی قرینہ وے

بیٹھا ہوواں سائے ویچ گنبد خضری دے  
ویل اچ وسٹرے والا خاپ ایہہ دیرینہ وے

ختم نبوت تو اڈے تے قرآن دے نزول نال  
عظمیم ایہہ مجزہ وے کیہے شانِ مصطفیٰ وے

اللہ دے پیارے نبی دلدار ٹوں میں صدقے  
اس امت عاصی دے غنخار ٹوں میں صدقے

دو ٹوٹے چن کیتا انگلی دے اشارے نال  
اس نورِ مجسم ٹوں، سردار ٹوں میں صدقے

سرکارِ دو عالم دی ہر گھل ویچ حکمت اے  
اپچے رتبے والے دی سرکار ٹوں میں صدقے

چہر رحمت دی چھاں کردا جدروں وی اوگز رے نیں  
اس قافلے والیاں دے سردار ٹوں میں صدقے

میں جس دے تصور نال ویل خوش پیا کرنا واں  
اس نورِ محبت دے چکار ٹوں میں صدقے

جھٹے جا کے سب پڑھدے آقا تے دزود و سلام  
اس گنبد خضری دے بینار ٹوں میں صدقے

میں واں خاطر، احمد مختار دے در دا غلام  
میرا مالک اوہ، مری بخشش دا بی سامان اوہ

.....

### نعتیہ کلام

خواجہ یعقوب اختر

(پشاور)

جس دم کالی کملی سر تو پاک نبی نے لائی  
چبھ، رویل تے گل سون دی کلی کلی شرمائی

حور، ملائک تے غلماں جنت آپ سجائی  
اُس سونزے دی عرش بریں تے جد سواری آئی

رحمت کر کے اُس نوں مالک پہچے نال قرآن  
ویچ اقصی دے سب عبیاس نوں جس نماز پڑھائی

وحدہ دا سبق پڑھایا جس نے ویچ مدینے  
اُس دے در دی خاک سی لئی تاریاں نے روشنائی

ازیاں ڈغاں کالے بدل مکھڑا سوندا چن  
جس دے لب رُخار سی لئی پھلاں نے رعنائی

جس دے ٹک اشارے دے ٹل چن دو ٹوٹے ہویا  
اُس نے لات منات ہبل دی یتی اُلٹ خدائی

عرشان تے جا کے ہویا رب دا جو مہمان  
خُر عالم، محبوب خدا کل عالم دا گھینہ وے

خادم جس دی خوشبو نال ساری دُنیا مہکے  
مشک نافہ نیکی اوہ محمد دا پسینہ وے

### نعتیہ کلام

خاطر غزنوی

(پشاور)

میرا والی رہنا اوہ، روح اوہ تے جان اوہ  
چاننا دنیا دا وے بخشش دا بی سامان اوہ

جس دی سیرت دی قسم کھاوے خدا اسماں تے  
دو جهان دی وے عظمت بے بہا انسان اوہ

سچ موتی لفظ اسدے، حسن و خوبی اس دی آب  
روشی فرمان اس دا، صاحب قرآن اوہ

اُس دے پیراں دی زمیں دی خاک دی بی خاک میں  
میرے اسماں دے اسماں دا بی اسماں اوہ

عرش اعلیٰ تے قدم کس دے گئے اس دے سوا  
کس دا بنیا رات نوں معراج دا مہمان اوہ

نیک و بد تے عالم فاضل سب ان کپ قطار دے وچ  
سرداراں دے ٹولے آئے وت بھی رہیا نام نبی دا

سجدہ لوک گرلن کعبے نوں تے کعبہ اُس دے درنوں  
جس دے در دی خاک نے دی اکھیاں نوں پینائی

.....

## نعتیہ کلام

رضا ہدای

(پشاور)

کپ کپ کر کے صدیاں دی غفلت دے پردے اٹھ گئے  
غپ ہمیرے دے وچ اس نے نور دے ڈیوے بالے  
کپ ای صف اچ آنڑ کھلوتے نوکر چاکر تے بادار  
وت اکھیاں نوں نظر نہ آئے گورے پٹے کالے

کھلے ہوئے موتی اس نے لڑیاں وچ پروئے  
اڑی سانجھ دی سوچ نے یارو پھٹ نفاق دے سیتے  
ثالی دی سوی نوں اس نے پیار دی پینگ بذریا  
وچھرے ہوئے انہاں نے ول دے پیالے پیتے

او سرتاج پیراں دا تے او سردار اے مظلوماں دا  
نور رسالت دے نے آ کے دھرتی نوری کیتی  
قربانی دا سبق پڑھایا اس نے ساری دُنیا نوں  
اسماعیل دی سنت اڑی آل نے پوری کیتی

رحمت تیرے در دی باندی سکھ دی دُنیا دا تو داتا  
اگ نمرود دی تیرے دم مل بذری گئی اے گلزار

آپ قرآن تے آپے قاری آپے او تفسیر اے  
نور دی شمع وچ ظلمت دے جس نے آپ جلائی

.....

## نعتیہ کلام

رانی بانو

(پشاور)

کیمہ کیمہ اوکھے ویلے آئے وت بھی رہیا نام نبی دا  
وا دے گرم چھوٹے آئے وت بھی رہیا نام نبی دا

سارے جہاں تے چاند کیتا میرے نبی دی رحمت نے  
سورج نوں ہچکوئے آئے وت بھی رہیا نام نبی دا

پیار تو پیارا صلی علی وے اکھ دا تارا صلی علی وے  
غیر بھی اکھیاں کھوئے آئے وت بھی رہیا نام نبی دا

جنوں سدھے رستے پایا جنوں حق دا راہ دکھلایا  
او نہ ہتھ مدھوئے آئے وт بھی رہیا نام نبی دا

سونا چاندی ہیرے موتی دنیا دے بازاراں وچ  
کتنے ماشے تو لے آئے وت بھی رہیا نام نبی دا

## نعتیہ کلام

روشن القادری

(پشاور)

میرے مصطفیٰ دا دلآل آتے راج اے  
اُزے بُر تے ختم نبوت دا تاج اے

جیہڑا دونوں عالم نوں کر دے منور  
اوہ نورِ مجسم مُنیر اے برراج اے

اُزے ناں تے جیبندین اُزے ناں تے مردین  
اُزے عاشقال دے ویچ ایبھہ رواج اے

اُزے نعمت لکھناں اُزے نعمت کہناں  
سوا اس دے میرا نہ کم اے نہ کاج اے

میری شرم، میری حیاء، میرا پردہ  
اوہ کجدے ہمیشہ اُزے ہتھ لاج اے

وسیلہ اُزا پیش کرنا واں رب نوں  
تا کر دے اوہ پوری میرے احتیاج اے

ادبِ قل اُزے نام نامی نوں مجھنداں  
ایبھہ روئن دی خصلت تے اُس دا مزاج اے

کوثر تے تسنیم دے والی نظر کرم دی ساڑے ول بی  
ساوے گنبد والے سائیں ساڑی تہرتی نوں بی سنوار

## نعتیہ کلام

رفیق ساگر

(ڈیرہ اسماعیل خان)

سیں دی آمد تھی نورِ ممکن لگا باغِ دنیا دے گلِ محلِ کھنڈاون لگے  
چندر تارے وی کھڑے گئے سلامی کیتے عرش والے وی خوشیاں مناون لگے  
ٹلی گئے دنیا توں سارے اے ٹلمی بدل ہردے چہرے کوں یک دم خوشی مل گئی  
پوری کائنات والیں کوں سکھ مل گئے بُت پرست آپنے بُت ڈھاون لگے

حوالاں غلام وی سیں کوں سلامی ڈلتی ہر سو چاندن تے خشبو وی ممکن لکی  
ہر بشر کوں نبیٰ دی محبت ملی ہر بشر مسکرا کے الاون لگے  
دان تھئے جیکوں جیکوں حالکھیا ہو یا اپنیں اپنیں مقدر کوں، گلِ مژہ، گیاں  
نوری چہرہ حلیمہ دی حا تانگہ وچ دائی حلیمہ کوں وی چندر بھاون لگے  
مصطفیٰ مصطفیٰ اے رسول خدا توں ہیں محبوب ربِ اعلیٰ مصطفیٰ  
تیپیٰے قدماء دے صدقے زمیں دے اتے آسمان کن انعامات ہوئن لگے  
کون آیا یہی عرش بریں دا مکیں جیبندی خاطر زمیں کوں ہیے برکت ملی  
سارے نوری ملک عرش کن فرش تے نال جریل دے اُنکے آنون لگے  
سیدہ آمنہ دا اے لخت جگر چندر کے مدینے دا ممکن لگا  
دشتِ صحراء جبل سبز و شاداب تھئے جگ دے ساگر جواہر لاثاون لگے

کپڑ کے روٹھے دی جالی تے خوب رو رو کے  
میں آپڑا حال سندھانوئے دی آرزو رکھناں

کہہوی کہہوی میں درِ مصطفیٰ نوں تک تک کے  
نظر دی پیاس بجھانوئے دی آرزو رکھناں

دیاں پاک دی مٹی دا بڑا کے ہک ذرہ  
میں آپڑے آپ نوں پانوئے دی آرزو رکھناں

بڑے وسیلہ تا ساجد نبی دی چوکھ تے  
میں جا کے فیر نی آنوئے دی آرزو رکھناں

### نعتیہ کلام

ساحرِ مصطفیٰ

(پشاور)

خدا مدینے لباوے بس ایہہ تمنا وے  
نبی دے در تے بلاوے بس ایہہ تمنا وے

درِ حبیب دی مٹی دے ویچ میں ڈل جاواں  
کوئی نہ لبھ کے لیاوے بس ایہہ تمنا وے

نبی دی قدماء نوں چھا وے جیہڑی تھرتی نے  
ڈل اُتھے جا کے نہ آوے بس ایہہ تمنا وے

### نعتیہ کلام

زید آئی الطہر

(پشاور)

واہ واہ سوہنڑاں سوہنڑاں نبیاں دا سردار اے  
سارے نبیاں دا نبی رب دا سجل دربار اے

میں نبی دی نعت لکھ کے خوشنما ہوندا ریا  
دے کے رحمت دے خزانے عالمین تے چھاگئی  
پیار دی رعنائیاں دا نور ونڈنے آگئی  
دے کے رحمت دے خزانے عالمین تے چھاگئی  
عقلمندان جس دی عنایت اوہ ایہوئی سرکار اے

میں نبی دی نعت لکھ کے خوشنما ہوندا ریا  
جامی، سعدی تے رضا دے رنگ ویچ کسدا ریا  
جس دے نل ہر نعت اطہر ہو گئی شہکار اے

### نعتیہ کلام

ساجد سرحدی

(پشاور)

درِ حضور تے جائزے دی آرزو رکھناں  
نصیب خفتہ جگانوئے دی آرزو رکھناں

چاروں پاسے قلزم دگن اُسدی صفائی آلے  
میر جذبہ خشبو قل نہادے تاں ہوندی اے نعت

.....

### نعتیہ کلام

سعید پارس

(پشاور)

سلامی در سلامی شاہ بطا یا رسول اللہ  
تو ای سنت تو ای قرآن سراپا یار رسول اللہ

سہارا بیکسائیں دا عاصیاں دا ذات اقدس اے  
ٹھی کھیاں دے او بجا و ماوی یا رسول اللہ

نفس مغرور دل باغی اے اللہ دی عبادت سی  
تو اڈے مہر قل کہہ سان ہمیشہ یار رسول اللہ

کسی صورت زمانے دا یہہ مال و زرنی کم آندا  
کرو وت پیشوائی بار الہا یا رسول اللہ

میری وگڑی بڑا دیو ٹھی حسین دا صدقہ  
بروز حشر رکھندا لاج مولا یا رسول اللہ

کراں ہجرت مدینے دی مہاجر میں بی ہو جاواں  
غلام حاضر روے ہر دم تہذا یا رسول اللہ

میری زبان میرا دل تے میرا ہر یک انگ  
اُسی دی نعت سترداوے بس ایہہ تمنا وے

بلاؤے روٹے تے سائز نوں بی کدی مولا  
خدا اوہ دن بی دکھا وے بس ایہہ تمنا وے

### نعتیہ کلام

سجاد بابر

(پشاور)

جد طیبہ سی صدا آوے تاں ہوندی اے نعت  
اندر ہر دم مائی گے پاوے تاں ہوندی اے نعت

بیٹھے بیٹھے اکھیاں اگے ٹور منارے اُبھرنا  
حرفال دے بی سجندر کجاوے تاں ہوندی اے نعت

تذپیں وت حمال پڑھدے، اਤھرو وٹلے کردے  
کونخ وچھوڑے دی گرلاوے تاں ہوندی اے نعت

گلیاں گوچے شہر نبی ﷺ دے پئے سلام بڑاں ون  
اُس دا درتے ڈھیڈی آوے تاں ہوندی اے نعت

ڈردا، چکدا پوڑھیاں اتنے وریاں تکل بیٹھاں  
اُٹھ بندیا! کوئی تاں لگاوے تاں ہوندی اے نعت

روزِ حشر جس ویلے یارو رب دی عدالت لگ سی  
آلی بیعت نوں آپڑے مقدمے اچ آپڑا وکیل بنزاں

چم دا رہسان نظران دے ٹل میں روٹھے دی جالی  
پی کے پانڈی زم زم دا میں ہجر دی پیاس بجھاں

جتنے جتنے آقا بیٹھے جھتو جھتو لئے  
اُنہاں راہواں دی مٹی دا اکھیاں اچ سرمه پاساں

خُند گناہواں والی دے ویچ پہل گھیاں سیدھا رستہ  
پہلا ہویا سویلے دا میں شام ویلے کھرا آساں

عمر گناہواں دے ویچ گزری ہوش منوں ہنڑ آیے  
سوچنا کھیرا مونہہ لے کے میں آقا دے قدماء اچ جاساں

اُس نقطے تے تکدی اے آ کے ساری گھل سید  
چلا گھیا تا میری برات اے نہ گھیا مر جاساں

کدو ایہہ باریابی دا شرف پا سی غلام آخر  
کدو آسی میرے واسے بلاوا یا رسول اللہ

خوشا ساعت کہ باب رحمت عالم کھلے آقا  
قدم بوئی زیارت اے وسیلہ یا رسول اللہ

خدا ہو دے نبی ہوون میں قرباں ایسی مجلس دے  
کھوؤں آقا کہ پارس بس کئی جایا رسول اللہ

### نعتیہ کلام

سعید گلانی

(پشاور)

منوں یقین اے ہُک دن میں بی آقا دے درتے جاساں  
دل دی زبان بڑا کے اਤھرو آپڑا حال سندھاں

سچے دل نال معافی منگ ساں کنان نوں ہتھ لاساں  
کرم دی بارش ہو گئی تا میں نہاتا تھوتا جاساں

در رسول تے سوچنا میں بی تھرنا دیزدیں جاساں  
جدو تک اوہ فریاد نہ سندھ سن اٹھ کے میں نہ آساں

علی اکبر، قاسم تے اصغر واسطہ دے کے زینب دا  
حسن، حسین دے نانے اگے میں چھولی پھیلاں

### نعتیہ کلام

سکندر حیات سکندر

(پشاور)

محمد مصطفی دا نام کتنا پیارا پیارا وے  
یقیناً ہر دکھاں مارے دا اے واحد سہارا وے

میں جھالی پھاں سوہنڑیں نی  
رحمت نی ویہ برسات پڑھاں

اوہ بدر اخد خدق خیر  
میں سارے اوہ واقعات پڑھاں

بن یار شکیل پڑھاتے اوہ  
ہے کے مہاڑی اوقات پڑھاں

اے نال میرا وظیفہ وے اے نال میرا وسیلہ وے  
اے نال لے کے ہی اپڑے مقداروں سنواراوے

ہر ہک سختی، مصیبت تلدی جاندی اے ازے سرتو  
جدو بھی جس نے بھی اس اسم اعظم ٹوں پکاراوے

ایوئی اسم مبارک ورد جاں تینکیل ایماں وے  
محمد یا رسول اللہ ایوئی حک ساڑا نعروہ وے

فقط اس نام دا صدقہ ملے رب دی رضا سب ٹوں  
اسی نال دا وسیلہ ہر کسی دے دل دا تارا وے

سکندر ٹوں بھی ملدی اے سدا خیرات اس نال دی  
اے نال وے کرمان والا اور رحمت دا کنارا وے

ب۔ باطن میں آپ، پر ظاہر الف  
تے میم دی صورت بنائی ہوئی اے

رکھ کے نام محمد وچکار اس دے  
کبریائی دی شان چھپائی ہوئی اے

برقع میم دا سرتے پا کے چھوں  
ذات نال ذات ملائی ہوئی اے

سیقی دیکھ اُسی دے در اسباب اُتے  
کائنات نے گردن جھکائی ہوئی اے

### نعتیہ کلام

شکیل اعوان

(ہزارہ)

دل کرنا میں وی نعت پڑھاں  
ورے ساری ساری رات پڑھاں

سرکار نی ساری آل اپر  
میں لکھ واری صلوuat پڑھاں

نھر نھر کے چھولیاں ایہ خیرات لے کے جاوو  
اج صدقہ رسالت اے عاشقو وٹولو

.....

### نعتیہ کلام

صبح احمد

(پشاور)

کپ تیراں اں وے میرا دین تے ایمان آقا  
تیرے اس ناں تو میری جان بی قربان آقا

ورخ ورخ تے میں کپ سان بی اگر لکھاں  
سوچناں واں کہ نہ لکھ ساں تیری شان آقا

کے اچ آپ آئے تا وڈیائی سڑی ہر مورت  
آپ دی ننر کرم ٹل بنزٹی انسان آقا

کاش کہ آپ دی چوکھہ اناس اکھیاں نوں ملے  
کہ ملے ترسی ہوئی زی نوں اسماں آقا

میرا مرکز میرا محور میرے دل دی حسرت  
تیرا کپ نقش قدم میرا کل جہان آقا

.....

### نعتیہ کلام

شین شوت

(پشاور)

صلے علی محمد دا ورد پڑھدے جاوو  
ذکرِ نبی دی برکت اے عاشقو وٹولو

ساری فضا معطر اس نام نال اج اے  
وسدی اے رب دی رحمت اے عاشقو وٹولو

جس دے نصیب جاگے اس نوں وے ہوئی حاصل  
عشق نبی دی نعمت اے عاشقو وٹولو

شرفِ غلامی سانوں بخشنا وے آقا نے  
آقا نے بخشی حرمت اے عاشقو وٹولو

ملدہ وے اس دے درتو دنیا تے دین دونوں  
تو قیر نالے عزت اے عاشقو وٹولو

قسمت دے نال ملدی دل دی کلی جد کھلدي  
نعمت نبی دی دولت اے عاشقو وٹولو

دونوں جہاں دی شاہی ملدی مقدراں نال  
اج مل کے ایہ سعادت اے عاشقو وٹولو

پڑھدے درود رہندا اللہ تے فرشتے  
جن و ملک دی خصلت اے عاشقو وٹولو

### نعتیہ کلام

ظفر نوید جانی

(پشاور)

جلو براق دی دست وچ لے کے تے  
در احمد تے روح الامین کھل گئے

استقبال واسطے ملک، فلک اُتے  
صفاں بندھے سار عین کھل گئے

بے قرار نے آثر قرار پایا  
جد کہ سید بر عرش برین کھل گئے

### نعتیہ کلام

عبدالرشید تاج

(پشاور)

الف۔ ایسا میں بیر تے شفع رکھنا  
جس دی بیعت سی حاصل برات ہوئی اے

اُس دے کلمے دی برکت دے نال میری  
نار سقر سی بلکہ نجات ہوئی اے

اس دے نال تے پہنچاں درود ہر دم  
جس تے خاص عاشق رب دی ذات ہوئی اے

ظاہر باطن اندر تاج راج اُس دا  
جس دی خاطر روشن کائنات ہوئی اے

کوئی نیں جیہڑا آقا واگر سوہنڑی خصلت والا ہووے  
بوریا ہووے بستر جس دا موڈے تے دو شالا ہووے

میں وال عاصی شان رسالت گکرو لکھاں سوچتا وال  
اس دی سیرت لکھنڑے والا کچھ تا رتبے والا ہووے

تھو دے آقا نظر کرم ٹل داغ میری رسوائی دے  
عمل نامہ قابل نیں کہ نال یجاڑے والا ہووے

اللہ آقا دی خصلت دا یک رہبر اس قوم نوں دے  
چک کے مائی دی گذلی سرتے کھار پنچاڑے والا ہووے

ہووے ویری لکھ پئی دنیا لکھ پئی ویر کما دے  
او کہہ ڈرسی جانی، آقا جس دا کے رکھواں ہووے

### نعتیہ کلام

عبدالحکیم اثر

(پشاور)

الف۔ اُس پر صل علی کھوو  
جس دے نور سی کون و مکین کھل گئے

نعتیہ کلام

عبداللطيف ساجن

(پشاور)

ہے رحمت للعالیین دی سند بعثت تیری  
آئے شافع روزِ جزا ایہ شان اے شاہانی تیری

ہاں فرش توں سدرہ تک جگریل<sup>۱</sup> تیرے نال سُنزو  
فر عرش تے خالق نیں خود کیتی اے مہماں تیری

فر شرق توں مغرب تک تو حید دی انجھی صدا  
سے درس توحید و اخوت نص قرآنی تیری

شان استغناۓ تیری ابہہ شان ایمانی تیری  
شہد تے کئے بخ کے کیتھی فی سبیل اللہ جہاد

لَا إِلَهَ إِلَّا كُوْنَتْ رَبُّ إِلَّا اللَّهُ دَائِرٌ شَبُوت  
هَاهُنَّ أَيْمَانٌ هَاهُنَّ عَظَمَتْ أَيْهُمْ رُوحَانِي تِيرِي

دو جہاں نئے ای ہو جلسی یقیناً فیض یاب  
ھے ملک آں مل جلھے اوه سند ایمانی تیری

نعتیہ کلام

عبدالغفور ملک

(ایپٹ آباد)

نعتیہ کلام

عبدالله

(پشاور)

ج جبریل فرشتے یکارن بسم اللہ جس کر چڑھے براق آتے

چرخِ خم کھا گئے سب تعلیم واسے  
چکن قدمان تے آکھن بسم اللہ

مغلس کس طرح روپے رسول جاوے  
ہوندے پیدتا حاندا میں بار اُڈ کے

پھردا روشنے دے چار چیسر میں تا  
بوسے لیندا اُسدے وارو وار اُڈ کے

شہر نجف جاندا کربلا جاندا  
کردا روضہ علیؑ دا دیدار اُڈ کے

ساجھن پر دیوے بے نیاز سونزا  
تے منزل طے کرساں وارو وار اڈ کے

.....

## عبدالغفور ملک

وَالْأَئِلُّ ۖ لِفَالٌ تَيْرِيَاٰنَ وَامْسَ پِيشَانِيٰ تَيْرِي  
خالق دا ٹوں محبوب ایں خلقت اے دیوانیٰ تَيْرِي

نام تیرا جد خالق دے ناں نال مل کے کلمہ بنزگیا  
فریٹوں وی لاثانی ایس امتحت وی اے لاثانی تیری

اوہ تاج ختم المرسلین رخیا رب نیں سر تیرے  
ھے دو جہانان نجع مسلم ہوئی اے سلطانی تمی

میڈے لکھ سلام دُرود ھوون اوں پاک نبی تے یزدانی  
جیند و گھن سوغات دُروداں دی چن انس ملک مرسل ویدن

### نعتیہ کلام

علی او بیں خیال

(پشاور)

بلند و بالا رہ سی کردار محمد دا  
قرآن اچ اے موجود ہر گفتار محمد دا

والیل ان اس دی زلفاں، والعصر اس دا دوراے  
تقریر اے والخجی دی رخار محمد دا

ہو جاندی اس تے دوستو دوزخ دی اگ حرام  
جبھڑا بی کلمہ پڑھدے ٹک وار محمد دا

رضا وسے اللہ دی کھر وار دیتے جس نے  
کتنا عظیم نکلا اوہ اسوار محمد دا

تو کونز اے کیمہ ویں کجھ نہ کرم غم اس دی آل دا  
رب آپ تیرا میرا وے غنختار محمد دا

مرشد ہزاراں سال میرا جیوے اے خیال  
اکھیاں اچ اس دی کرنا وال دیدار محمد دا

مہرا اُگلن ٹریا دے ہار پا کے  
جان بی صدقے تے وازن بسم اللہ

حواراں دے ون مبارخ عبداللہ بندے  
قدیماں شگر گزارن بسم اللہ

### نعتیہ کلام

عبداللہ یزدانی

(ڈپرہ اسماعیل خان)

جڈاں یاد تیڈی دا چن چڑھدے پلاں تے ستارے بل ویدن  
تیڈے ناں دا ورد کرینداں تاں میڈے سارے ڈکھرے بل ویدن

کتھ فرش زمیں کتھ عرش بریں کتھ قاب قوسین او ادنے  
میڈا پاک نبی اُتح پکھا ہے، جھاں پر جبریل دے جل ویدن

سب جھولیاں بھر بھر ٹر ویدن، اتھاں پتھر دی بئڑ ڈر ویدن  
جبھڑے آندن این دروازے تے کونٹ آہدھے خالی ڈل ویدن

کوئی بھیج مدینے توں مولا اچ بدی اپنے ساوتھ دی  
میکوں بہہ بہہ تیاں ڈھپاں تے الیں روز پچانویں ڈھل ویدن

محبوب خدا دی صورت دا، ہئے کون جبھڑا دیوانہ نہیں  
پھر ویدن چوڑہ طبق انخاہیں، ایندی زلف دے ڈل جن ڈل ویدن

ہر یک پھل دے وچ تیری چب دا ظہور  
ایہہ سب رنگ برگی خزانے ترے

تیرے پیار ٹل دھر آباد ان  
محبتاں دے سب کارخانے ترے

ازل سی ابد تک اے تیرا ظہور  
پرانے نوے سب زمانے ترے

تری بس پچائز اے ہر یک کر بلا  
لہو ٹل بھرے سب فسانے ترے

### نعتیہ کلام

فاروق جان بابر آزاد

(پشاور)

سارے عالم دا سلطان ہیں توں  
اُتے عرشاں دا مزمان ہیں توں

میں کوچھی ہاں، توں سوہنڑاں ہیں  
میں کوڑھی توں من موہنڑاں ہیں

توں پھل ہیں تیڈی بآس ہر سو  
تیڈی دید دی اکھیاں کوں آس ہر سو

### نعتیہ کلام

غلام رسول گھائل

(پشاور)

رخ منور دا وکیج جلوہ  
دل و جان سی ہویاں شیدا تیرا

کرے کون حاصل معرفت تیری  
واقف کوئی نہیں بن کبریا تیرا

دیا روشنی کر کائنات اندر  
اسم پاک ختم الانبیاء ﷺ تیرا

کہے گھائل محبوب خدا ہیوے  
شان نال لولک زیبا تیرا

### نعتیہ کلام

فارغ بخاری

(پشاور)

ازل سی ڈن سب تانے بانے ترے  
کہ تو وخت ایں سب زمانے ترے

ہر یک شاخ وچ تری قدرت حضور  
شجر در شجر آشیانے ترے

ڈسخ حشر تیئ عالی شان ہیں توں  
أَتَى عرْشَانَ دَارَ مِزْمَانَ ہیں توں

صدیق، عمر، عثمان، علی  
ابدال، قطب تے غوث ولی

ایہہ عشق دے راز توں واقف ہُن  
سوہنڑاں تیڈی ذات دے عاشق ہُن

اوندے ناں دے اُتے قربان ہیں توں  
آزاد مرید حسان ہیں توں

### نعتیہ کلام

فرید عرش

(پشاور)

کملی والے دس تیری توصیف میں کسرائ کراں  
چاڑنا دل دا جے ہووے تا میں کجھ لکھ بی سکاں  
ہر کہڑی صلی علی صلی علی پڑھدا رہواں

میں کتے تے کملی والے دی شنا خوانی کتے  
خاک دا ذرہ کتے تے نور یزدانی کتے  
جبہرا محبوب خدا ہووے اُزا ٹانی کتے

سارے عالم دا سلطان ہیں توں  
أَتَى عرْشَانَ دَارَ مِزْمَانَ ہیں توں

میں ہاں قطرہ، ہیں دریا توں  
میں ذرہ، نور دا ہالہ توں

ایں سچ ویج روشنی تیڈی ہے  
ایں چن ویج چانڈیں تیڈی ہے

ہیں فخر ہفت آسمان ہیں توں  
أَتَى عرْشَانَ دَارَ مِزْمَانَ ہیں توں

تیڈا ناں جو گھنائ مونہہ کھنڈ پودے  
تیڈا ذکر کراں سینے ٹھنڈ پودے

میکیوں ذات اپنڑیں دا نہ کائی پتہ  
میں تے عشق نبی ویج ہویا فدا

میڈا محور دین ایمان ہیں توں  
أَتَى عرْشَانَ دَارَ مِزْمَانَ ہیں توں

رب تیکوں بخشیاں ہُن شاناں  
جریل تیڈے گھر دا بانا

تیڈے ہتھاں ویج پتھر بولدے ہُن  
توحید دا رس پچ گھولدے ہُن

## نعتیہ کلام

فقیر حسین ساحر

(پشاور)

کلمہ پڑھ کے نام تیرے دا جان بی اس توں واراں  
تیرے دروازے تے مولا ساری عمر گزاراں

اللہ دے محبوب محمد کالی کملی والے  
تیرے دردے منگو دیں والے بڑھ گئے شاہ ہزاراں

تیرے قدماء اچ ریبڑیں والا اللہ نوں بی پیارا  
تیرے قدماء اچ رہ کے مولا آپڑا آپ سنواراں

رحمت سارے عالم واسے عالم تیرے واسے  
تیرے واسے پیدا ہوئے اے گلزار بھاراں

نیاں دے سردار محمد سرداراں دے والی  
طالب تیری رحمت دا میں بنہ دنیا داراں

## نعتیہ کلام

قدسیہ قدسی

(پشاور)

میسر آگئی مینوں زیارت اس دے روختے دی  
کہ جکروں مل گیا ہووے خزانہ دو جہاناس دا

کملی والے دس تیری توصیف میں کسراں کراں  
چانڈنا دل دا بجے ہووے تا میں کجھ لکھ بی سکاں

گفتگو جسراں ٹھیم گل دیاں سر گوشیاں  
خامشی، جس تے فدا جبریل دا حسن بیاں  
مرجا اے سرویر کوئین شاہ دو جہاں!

کملی والے دس تیری توصیف میں کسراں کراں  
چانڈنا دل دا بجے ہووے تا میں کجھ لکھ بی سکاں

ماند تیرے حسن آفاقی سی یوسف دا جمال  
ویچ تصور دے بی تیری جلوہ آرائی محال  
ہاں کتے بحر تجلی تے کتے دام خیال

کملی والے دس تیری توصیف میں کسراں کراں  
چانڈنا دل دا بجے ہووے تا میں کجھ لکھ بی سکاں

میں تنوں خیر البشر یا نور دا پیکر کھواں  
رحمت عالم لکھاں یا شافع مبشر کھواں  
خلق گل دے سوا سب سی تنوں برتر کھواں

کملی والے دس تیری توصیف میں کسراں کراں  
چانڈنا دل دا بجے ہووے تا میں کجھ لکھ بی سکاں

.....

سندلوساڈی فریاد  
 سوہنڑے آقا چھل پئے سر دین عین بہاراں ویچ  
 مالی ابیحی آپی کر دین سارا چھن بر باد  
 اجڑ جھوڑ گئے آٹھے چڑیاں والے  
 کاں پئے گہاندے گیت بہاری  
 تہری نیاں والی آتے ادھی اے برسات  
 اے رسول دے رسول آقا  
 بچ پچہ فلسطین دے ویچ اے زگی ای بیزار  
 اے میرے سرکار، اے میرے سرکار  
 فریاداں کر کر اتھروں سک گئے  
 کلمہ گو پئے آپی لڑدے  
 غریب دے بچ پہکے سوندے  
 امیر پئے لاندے دولتاں دے انبار  
 مہنگ فروشی، سینہ زوری  
 مزدوی دی خلقت مولا سائیں  
 بس ہو گئی اے دشوار  
 بے درداں دی ماراما ری  
 مسکینیاں دی آہ وزاری  
 بے ول چک چک پھردے پئے ڈون  
 آپڑے آپڑے غماں دے انبار  
 اے سوہنڑی کملی والی سرکار  
 اے سوہنڑی کملی والی سرکار  
 اے جبیب خدادے سوہنڑے  
 چلے ہوا ہونز رحمتاں والی  
 نظر کرم دی ہو سرکار  
 اے رسول دے رسول مولا  
 طوفاناں دے ویچ پھس گئی کشتی

کدی مٹی نوں پھما تے کدی پھما میں جالی نوں  
 کہ میرے واسطے آیا خزانہ دو جہانان دا

میں خالی چھوٹی لے کے گئی آں دربار دے اندر  
 ٹولہ رحمتاں والا خزانہ دو جہانان دا

بنڈی تصویر حیرت دی کہ اسنون کس طرح میلان  
 ایہہ کتنے پاسے وے کھلا رخزانہ دو جہانان دا

جدو جاندی نظر انوار دی باش نظر آندی اے  
 حرم دا چائزنا آیا خزانہ دو جہانان دا

میں اپڑے آپ ٹل اک فیصلہ کیتا مدینے ویچ  
 اتھوں سی لے کے میں جائز اے خزانہ دو جہانان دا

عبث کر دین دنیا دار سودا دنیا داری دا  
 مدینے جا کے لے آئزا خزانہ دو جہانان دا

پسند کیتی زمین قدسی کہ جس اچ نعت رائی اے  
 اسی زمین تے مل سی آ خزانہ دو جہانان دا

### نعتیہ کلام

کاظم کاظمی

(پشاور)

اے رسول دے رسول مولا  
 اے رسول دے رسول آقا

ہے لہنے محمد ته چڑھے محمد  
ہے اتنے محمد ته اتنے محمد  
ہے آسے محمد ته پاسے محمد  
ہے خالی محمد تھیں دس کہڑا پاسا  
محمد ہی ہے ته محمد ہی آسا

عرب تھیں عجم تک محمد محمد  
محمد محمد محمد محمد  
هر ایک کو ہے، لایا محمد تلاسہ  
محمد ہی ہے ته محمد ہی آسا

ہے دین محمد سلامت ہمیشان  
ہے قائم محمدی کرامت ہمیشان  
تہ رہ سی اُسی دی امامت ہمیشان  
ہے رحمت خزانہ محمد دا خاصا  
محمد ہی ہے ته محمد ہی آسا

### نعتیہ کلام

لعل شاہ جگر

(پشاور)

س۔ سجدہ گزاریا قدیسان نے  
ظاہر آدم نوں پر کس دے نور اگے

لے جاؤ اس چوسانوں پار

سنزو لوساڈی فریاد

سنزو لوساڈی فریاد

اے رسول دے رسول مولا

سنزو لوساڈی فریاد

### نعتیہ کلام

کریم اللہ قریشی کرناہی

(سری گنر)

محمد ہی ہے تہ محمد ہی آسا  
محمد ہو سی سنزو ایہہ خلاصہ

محمد ہے آدم دا فرزند عالی  
تہ موہنڈھے محمد دے کملی ہے کالی  
اوہ سردار نیاں دا دو جگ دا والی  
ہے سردار شہیداں دا اُس دا نواسا  
محمدی ہے تہ محمد ہی آسا

پنثیر محمد تہ رہبر محمد  
ہے حاکم محمد تہ لیڈر محمد  
ہے اعلیٰ تہ ماہر کماٹر محمد  
تہ دیوے امت کو محمد دلasse  
محمد ہی ہے تہ محمد ہی آسا

تیرے لطف و کرم تے آس میری  
میرے محبوب کبریا سُزدی

بخش دے میرے سب گناہ مولا  
اس خطا کار دی خطا سُزدی

.....

### نعتیہ کلام

محمد جان عاطف

(کوہاٹ)

ہر ایک لف تے محمد ناں نام آیا اے  
چپو مدینے اتحوں ایہہ پیام آیا اے

اُناں نیں درناں گدا واں میں ایک ادنیٰ جیہا  
اوہ جس کو عرش بریں تو سلام آیا اے

مُری گھڑی جے کوئی آئی جد بی دُنیا ویچ  
اُناں ناں نام ہی اُسی لحم کام آیا اے

اوہ پاک نام بھلا کیتھی کوئی بھل سکنے  
ہر اک زبان تے جیہڑا صبح و شام آیا اے

کرم اے ساڑے تے کتنا رسول اکرم نا  
جب گھن کے ساڑے دئیں حق نا کلام آیا اے

رحمت عالم دا پایا خطاب کس نے  
کونڈ عزیز اے رب غفور اگے

کس دے نور دے ذرے نے پُوك دیتی  
چشم ذدن میں ہستی طور اگے

جگر پڑھ درود اُس شاہ اتے  
آیا بعد پر ہویا ظہور اگے

### نعتیہ کلام

حسن احسان

(پشاور)

اس گدا دی بی التجا سُزدی  
میرے مولا میری دعا سُزدی

کوئی تیرے سوا نی سزد دا وے  
بے نواوان دی تو نوا سُزدی

آپڑی رحمت دا سایہ میرے تے کر  
میرے بی دل دا مدعا سُزدی

میرے بے چین دل نوں چین آوے  
جو زبان تے وے اوہ دعا سُزدی

پچھلے ہوئے یاقوت پئے، بھر دسدے  
پانوں پانزیں گلابی بہار ہو گئی

پیا عکس جدا چھلدا تاریاں تے  
چھوٹی موج دی لال انگار ہو گئی

بدل سرخ کافور دا برس پیا  
تے گلزار نمروڈ دی نار ہو گئی

### نعتیہ کلام

معصوم شاہ

(کوہاٹ)

پیدا تو آخرین پر مرتبے وچ اویں ایں  
خاتم النبین ایں خاتم النبین ایں

تو نہ کو بعد نا ایا نا قیامتہ تک کوئی آسی  
اللہ نیاں نبیاں وچ بے شک تو آخرین ایں

احد ناں میدان ہیا پیا جے امتحان ہیا  
جاگھے تو تو حلہ نیس زخمی تو نہا جبین ایں

معصوم تے اللہ رحم کر اکھناں وال اے سہم کر  
دینا اس ناں واسطہ وال مدینے جے کمین ایں

میں اُس نیں بخت تو قربان تھیواں اے عاطف  
جب جس نیں ہمچاں وچ کوڑ ناں جام آیا اے

### نعتیہ کلام

محمد ضیاء الدین

(اسلام آباد)

س۔ سین سارے زمان و مکان اندر  
رب نے کر دیتی اے اپی شان تیری

جن، ملائک، انسان درود پیج دے  
اقرار کر دے کہ اپی آن تیری

علم، عمل دے سچے اصولاں دے نال  
ہوئی بلند شریعت دی آن بان تیری

پہنچنڈ، پھرا، پتر، ماں پیو کولو  
سانوں سب سی پیاری اے جان تیری

### نعتیہ کلام

مضمر تاتاری

(پشاور)

ن۔ نور نبی دے جلوہ گر ہوندیاں ای  
کائنات ساری لالہ زار ہو گئی

**نعتیہ کلام**مشی رجب علی جوہر

(پنڈی)

دیدار ہویا معراج دی رات  
گئے نال جبریک اسماں ٹھیں

وج محشر دے ہر عاصی دی  
وڑا بخشش دا سامان ٹھیں

ب۔ محیر نبوت دے صوف وچو  
بے بہا ہک در یتیم آیا

کالی ظلم تے شرک دی رات اندر  
شع وحدت تے نور کریم آیا

**نعتیہ کلام**میر احمد مٹھو

(اسلام آباد)

ب۔ بلند ہے نبی دی شان یارو  
جسdi خاطر ایہہ کل گلتان بنیا

اوہ سالار ہیوے کل انیاء دا  
خاطر اسدے کل سامان بنیا

والیل گیسو تے واشمس چہرہ  
لے کے قدرتی طع سلیم آیا

جوہر عاصیاں دا بیڑہ پار کرنے  
کشتی بان ہو کے میم آیا

**نعتیہ کلام**منیر حیدر

(ایبٹ آباد)

محمد عرب دے وج ولد ہویا  
پیدا عربی دے وج قرآن بنیا

تاکیں عرش سی بڑھ گئی اے ارض مٹھو  
جد زمین تے اُس دا مکان بنیا

میرا تن من دھن جند جان ٹھیں  
میرا مذهب دین ایمان ٹھیں

میں لکھ درود سلام پہنچاں  
میری سوچ بچار تھیاں ٹھیں

### نعتیہ کلام

ناصر بختیار

(ایبٹ آباد)

چودویں دے چن کولوں بدھ کے لالاں مارا دا  
مونہہ مبارک ایجا سوہنڑاں ہے مرے سرکار دا  
  
تا کھانا ناں میں آپڑاں عاشقان نج سگیو  
قافلے تے ہتھ ہوندے قافلہ سالار دا  
  
چار پاسے سب صحابہ، نج حضور پاک وی  
کے مزا اس سیت ہو سی آپ دے دربار دا  
  
اتھروں دے نال کرنا، پاک پن تے کاغذان  
جب تہوہ کے میں قصیدہ آخنا وال یار دا  
  
سز خدا دے عاشقا! بج لوڑنے رب پاک آں  
لو کپڑ کے سادیا فر ہاشمی سردار دا  
  
آخیو مگندا دوا وے، فرتساں دا بخت یار  
ایہہ سنیہ عرض کریو، حاجیو بیار دا

### نعتیہ کلام

ناصر داؤد

(حوالیاں)

میں تشیع نبی جی دی پڑھ دای ا رہساں  
دعا میں مدینے دی کرداں ای رہساں

### نعتیہ کلام

ناز درانی

(پشاور)

نعت محمد میں کہوان رحمتاں پاواں  
اسراں رب سوہنڑے سی گناہ اپڑے بخشاؤں

انسان دے محسن ائے باب رحمت چمکا  
آپڑے دل اچ پاکی نبی دے پیار دا محل کھلاواں

روضہ اقدس دی زیارت میں کراں ایہہ دل چاہندیے  
کالش میں گنبد خفرا ویکھاں جد مدینے جاواں

امن دے آپ اوہ دائی مولا رحمت عالم ہیو  
آپ دا امتی تد سدیوں جد امن دا بوٹا راہوں

جد معراج نوں پہنچے آقا رب پچھا کیہہ منکدیو  
میری امت نوں بخشو میں اللہ ایہوئی چاہوں

جس نے علم دی شمع بالی جس نے چھالت ٹالی  
پک خدا دا رستہ دسا اُس نبی دے صدقے جاواں

درود وسلام میں پہنچاں اُس نوں جیہدا نبیاں دا سردار اے  
ناز میں اُس دا خادم ہو کے آپڑی شان ودھاؤں

زبان تے وتنگاں جبریل دے لجھ دا ہوندا اوے  
جد اُس دے نال نال آغاز میں گفتار کرنا وال

میں دُنیا اچ رہ کے بی دعویٰ محبت دا تانی کرنا  
خود آپڑے واسطے آسان کم دُشوار کرنا وال

بلاوا آندا نہیں جد تک مدینے دی زیارت دا  
میں کر کے بند اکھیاں نوں اُزا دیدار کرنا وال

منوں آسودہ رکھدے رب میرا آقا دی چادر اچ  
ای خاطر ہر اک راحت سی میں انکار کرنا وال

جس دے نام دا مُحفل ہر گھٹی ہو ٹھاں تے کھرو داوے  
اُسی دے نام میں اس نعت دے اشعار کرنا وال

نقیری اے اُس در دی باوشاہی  
خرانے محبتاں دے پھردا ای رہسان

گناہوں دی گھٹٹی بہوں پھری اے ہو گئی  
شفاعت دی درخواں کردا ای رہسان

غمائ تے دکھاں دا اے دریا ڈکیا  
میں بھک کے تری کشتی تے ترداں ای رہسان

کسی دا بہا میں ٹھکوراں کیوں سنگیو  
میں منگتا نبی جی ترے در دا ای رہسان

ترے در تے حاضر جے اس وار ہوساں  
میں نوکر جے رہیاں اُسی کھر دا ای رہسان

بلاوا مدینے توں آیا جے ناصر  
میں شکر اُس خدا دا ہی کردا ای رہسان

## نعتیہ کلام

نیشن گوہر

(پشاور)

عرب دے صحراء یارو بنز گئے اج گلزار  
نوِ خدا دے چشمے بھٹ پئے پھراں دے وچکار  
اُزے آڑیں دے ٹل ہو گئی دنیا لالہ زار  
انساناں دی قسمت جاگی آ گئی موچ بھار

## نعتیہ کلام

ناصر علی سید

(پشاور)

پری محفل دے ویچ میں وتنگاں اقرار کرنا وال  
میراسب کجھ میرا آقا میں اُس ٹل پیار کرنا وال

## نعتیہ کلام

نذر کسیلوی

(ہری پور)

ترسدا دل ترسدیاں نے نگاہوں یار رسول اللہ  
میں تڑفاں پھی کنجو دیدار پانوں یار رسول اللہ

نصیباں والیاں گھیاں آپزیاں کول سجدواں دے  
میں بھن گھڑی تے روواں کے بزرانوں یار رسول اللہ

جلال قربان کملی دے میں واری پاک جنتیاں توں  
تصدق چھوڑ قدماء دی میں پانوں یار رسول اللہ

خدا توں بعد شئی او سہارے دو جہاناء دے  
دتا اے چھوڑ پہنچنداں تے پرہاؤں یار رسول اللہ

قیامت نجح نہ چھاں ہو سی ہناں چھانوں ٹساؤی توں  
میرے لیکھاں دے وچ ہوؤں ایہہ چھانوں یار رسول اللہ

جہید و شہمنی منگدے ٹساؤے در توں خیراتاں  
میں دین صدقہ ٹسادا ہی تے کھانوں یار رسول اللہ

ٹساں نہ کول سدیاں تے نذر ایہہ حالت ہو جلسی  
میں ہلساں جئی جنگل شہراں گھرانوں یار رسول اللہ

اج دے دن دنیا دے اُتے رحمتاں والا آیا  
جتنے ساری خلقت نوں وچ وچ انسان بزرداں

خبر صحراوں وچ اس نے پھل تے یوٹے لائے  
ہر کپ پاسے پیار دے دریا اس نے آ کے دگائے  
ویری نوں بھی گلے لایا اپڑیں ہوئے پرائے  
اس آقاً نے دین دی خاطر کتنے دکھ اٹھائے

کفر دے ظلمت خانے وچ اسلام دا ڈیوا بالا  
خلقت نوں توحید سکھانوں آیا کملی والا

اس دنیا وچ پاک محمد رحمت بزر کے آیا  
اُس بے سایہ پیغمبر دا سارے بگ تے سایا  
جس نے رب نوں سجدہ کر کے امت نوں بخشوایا  
عشق محمد دا وے ساڑے جیون دا سرمایہ

پاک نبی دی عظمت اُتے لکھاں درود و سلام  
اس دی شان تے شوکت اُتے لکھاں درود و سلام

اس دی برکت دے ٹل پایا سانے اج ایمان  
اس دے وسیلے دے ٹل ملیا سانوں پاک قرآن  
اج اسلام دا قلعہ بزر گیا ساڑا پاکستان  
ہر مومن نوں سوتھیں رب دا حاصل اے عرفان

لا الہ الا اللہ دا کلمہ جتنے پڑھایا  
تھرتی اُتے آ کے جس نے رب دا روپ دکھایا

الفاظ قطاراں اچ آندے ڈن  
جتنات بھی آندے جاندے ڈن  
تے نوری کہیرا پاندے ڈن  
میں نعت جدو بھی لکھناواں

دل میرا متور ہو جاندے  
تے بدن معطر ہو جاندے  
ہر لفظ معتمر ہو جاندے  
میں نعت جدو بھی لکھناواں

ہر قید سی میں آزاد ہوناں  
تیری یاد سی میں آباد ہوناں  
ہاں کتنا ووت میں شاد ہوناں  
میں نعت جدو بھی لکھناواں

وضوعشقت دا ووت میں کرنا واں  
ووت حق دی صدائیں پھرنا واں  
ملزدے دی دعاواں کرنا واں  
میں نعت جدو بھی لکھناواں

### نعتیہ کلام

ولایت اظہر

(پٹھوہار)

رب بلند کیتا اے جس دا ذکر افضل  
آپ جیسا کوئی ارفع اقبال نہیں اے

### نعتیہ کلام

شمیم سحر

(پشاور)

ص۔ صاف لکھا اے کلمہ لا الہ اندر  
راہ نما محبوب خدا تو ایں

ختم ہوئی نبوت تیرے تے آخر  
ابتداء تو ای انتہا تو ایں

ہر کہ لب تے روائے درود تیرا  
سب دی مشکل دا عقدہ گھا تو ایں

کردے پھر بھی لکھے دا ورد سحر  
میرے آقا نورِ کبریا تو ایں

### نعتیہ کلام

نواز صابر

(پشاور)

ھک نور میرے تے وسداوے  
نالے ذرہ ذرہ حسداوے  
او آپڑی قدرت وسداوے  
میں نعت جدو بھی لکھناواں

خواب نج کاش دیدار آن دا ہووے میری قست گھلے  
آن دے پیراں تے تھریا میرا بسر ہووے نعت ہوندی رہوے

سمجی خالد زمانے دا ٹھکرایا دا منگدا رہندے دعا  
تھوڑ طیبہ دی میرے تے پنیدی رہوے نعت ہوندی رہوے

.....

عالین تائیں جیہڑی وگل بیٹھی  
شان رحمت کوئی خلق خیال نہیں اے

گوشہ چشم دے تلے جو نہیں اُس دے  
کوئی بستان حسن و جمال نہیں اے

اطہر دور درود و سلام کولوں  
خالی اوہ آسمان جلال نہیں اے

### نعتیہ کلام

مجی خالد







(ایپٹ آبار)

قافلہ میرا سوئے مدینہ چلے نعت ہوندی رہوے  
ٹھنڈ اکھیاں تے روپے دی جالی کرے نعت ہوندی رہوے

ہار نعتاں دے کھن کے میں در تے خلاں جالیاں نوں چھماں  
خاک طیبہ دی گلیاں دی سرتے پوے نعت ہوندی رہوے

کوئی دولت نہ شہرت نہ دنیا دا غم اے مرے محترم  
سامڑیں میرے بس کب مدینہ رہوے نعت ہوندی رہوے

میں گناہواں دے بچ بسر تا پا ڈیا داں اے شہبہ دو جہاں  
بس نظر کب کرم دی مرے تے پیوے نعت ہوندی رہوے



**Gandhara Hindko Academy Peshawar**  
4A Railway Road, University Town Peshawar